

城北集卷第三

錢班

奇

古今體詩共五十七首

已酉七月初至

登金元故城

京師城外三輔遺墟多故城細流或斷或通皆金元故城遺墟



積土何崇隆迤邐山露脊周遮類郭郭兩雉尚絡繹
云是金元城歲久留遺蹟改創失何年規模見損益
樓堞既荒沈面背多謠語依微重門軌轉折通車軌
斷續連東南青蒼接西脈高蔭多柳榆平陂種菜麥
我時步郊坰遠近隨所適遠城數里餘偶坐愛蕭閒
夏蟬聲清幽春禽語格磔荃芷生淺溪一綫窈以碧
想像濠池餘沿流未堙圯珠宮與松壇陰森景互借
秋爽豁兩眸炎天薄曦赫散牧來牛羊頑童雜笑劇
獨往情彌深常思布几席塊磊如可澆一飲須一石

七夕

玉簫聲咽望騫鸞百子池頭笑語歡燈列九華屏外
暖鍼穿七孔月中寒風傳青鳥珠幢近香褪紅蓮玉
露漙乞巧文成無一事自標犢鼻豎長竿

懷蒼林

空堂謝病掩經旬祇有思君意倍真松逕客稀苔蘚
滑數聲啼鳥解留人

雨過

雨過纖塵斂風微小院清草痕凝夕照蟲語亂秋聲

城北集卷第三

一

簾愛龍鬢滑衫嫌燕尾輕碧簾涼氣早坐待月華生
秋懷十一首和昌黎韻

薊門一騁望雲樹何蕤蕤感時驚物候日月逝不已
寒蛩抱微慧嘈嘈潛入耳旅思結梧桐憂愁眠復起
臨池鑒華髮誰昔疑非似霜露不憐人紅顏那得恃
朝塵與暮塵名利同一軌時還理縹帙意愜心獨喜

又

四時常代序萬物共榮悴昨日凌霄花飄零已到地
蓬草無根株隨風且自恣芒芒大化中微示遷流異
諒哉古人心及時以爲貴

又

城上集卷第三

霜天不能寐修夜何曼曼弘豕敢辭牧甯牛亦已飯
嘯歌視今古且得從吾願鷓鴣時一典揮杯還自勸
澄觀野馬外動息日千萬神劍雖欲鳴良璞不韞獻
任運合卑栖遲暮非所怨

又

秋山翠的的秋水淨凌空齋息孤影惟惡蚊與蠅
炎涼固物理何事分愛憎皎皎滄海月轉瞬上觚稜
臨淵羨魴鯉歸求屋上層所求非所施守拙甘無能

又

草木羣變衰候蟲亦知警黃花逼砧杵河漢天與永
覩物意多哀過時神愈猛送窮惟長欽屢浚斷短綆

笑頓荷自適于世卽多幸猶愁車馬塵門巷還深屏

又

長安紛馳逐誰解惜短景暮鐘未及歇靄旭光已炯
少賤熟人情樂處傷浮梗于跡有羈絆于古實驚騁
銀箭漏聲中堅臥傲朝請

又

秋陰庭砌多秋窗半明暗閒吟秋水篇遜世復何憾
落葉颺可聽幽花微入瞰酒將琴共清菊與人俱淡
散帙向風檐精心別真濫五陵樂事多誰信懽娛暫
逝水無由還奔石不及纜天道猶張弓盈虛須體勤
且安桑戶貧一任塵生甌

又

城北集卷第三

三

秋郊結伴行爽氣更軒軒蹋歌趁秋草步屨爲之奔
西山明似黛拄頰久忘言芙蓉千萬疊一一當我前
半嶺逗殘霞嫵媚如可餐行吟迷遠近率爾時成編
寫憂縷過百遣愁緒盈千病蟬與落葉那得弗辛酸
還歸理絲桐竟夕未成眠柔腸轉車輪蹉跎惜盛年

又

濯濯金臺柳條稀葉半乾涼颺侵竹徑瑟瑟搖琅玕
絳河耿耿明玉露滴團團夜久羣動息市樹烏求安
如何羈旅子獨泛大海瀾生涯等鳩拙拮据同羗丸
英雄感髀肉潛泣思征鞍

又

塞鴈一行鳴秋添萬戶聲薄衾通夕擁秋天難遽明
孤枕思百端無夢寄精誠遙想吳江楓霜落葉已盈
定遠羞傭書飲酒師步兵每思歲寒色不豔日及榮
遣懷聊滌硯萬象為驅令

又

秋月揚清輝蟾光更娟好秋風蕩百卉零落云何早
物理固難齊榮枯各自保西江千尺波不潤車中槁
無使杯杓空身外且莫道

雨中過宿半舫

寒雨催搖落他鄉思不禁勝遊猶似昨話舊復成今

城北集卷第三

四

去年今日同著上人
遊退谷法海諸勝

黃葉風前墮青年客裏深耦耕曾有

約爭忍負雲林

小飲菊花下

籬前黃菊一番新泥露含風總出塵自注瓦盆花下
醉不須更待白衣人

又

杯酒何如身後名秋光况對十分晴獨醒堪怪三閭
客但倚寒江拾落英

與蒼林夜坐書懷

風定漏初永空林落葉乾談深燈火暗書罷墨池寒
道義今誰繼迂疎我自寬閒牕摩倦眼只待老梅看

除夕

徂歲崢嶸箭脫弦生涯回首一潸然消磨日月憑三
雅餞送窮愁有百篇自點辛盤供短酌誰家甲煎起
沈煙可憐獨客風塵裏席帽明朝已七年

清明

芳草離離碧風沙吹晝昏春遲楊柳嫩日暖杏花繁
改火驚新序銜杯憶故園流鶯啼不住悽斷客中魂
謁先大人墓

空山餘落日石路草青青不禁風前淚長號地下靈
殘碑荒蘚合環砌野花冥欲表瀧岡墓何年返故垵

遊金仙菴

城北集卷第三

五

攀葛歷危岫晴光蕩層林亂石疑獸舞長松紛龍吟
緣溪有遠涉支策無近尋天風送清磬一逕花宮深
佛燈淡明滅粥魚晝悄悄山容互向背水氣雜晴陰
上下數飛蝶格磔聞鳴禽豈特豁愁懷亦用洗塵襟
何須一把茆遠結廬山岑

大覺寺池上

龍龍灌木多濃陰冒山麓其下池水深高低相映綠
好風水面來清冷起肌粟黃鸝鳴不休鷓鴣並對浴
是時炎暑蒸垂龍睡方足蹋冰計成妄散髮就古木
愛此山寺幽枕漱恣所欲僧雛二三人談笑頗脫俗
觀空萬慮澄嗒焉忘寵辱何時謝世氛一瓢此寤宿

景皇帝廢陵

荒原白日走狐兔
瑟瑟靈風吹老樹
石馬無聲碑版殘
紅牆斷續山前路
當年西北沙塵昏
纍纍絕望歸玉門
喪君有君誰倡議
朱耶遂登黃屋尊
皇天悔禍車駕復
趙璧無勞割地贖
新主何辭捉髮迎
故君那免止郊哭
誰信樓頭花萼空
斗米尺布嗟南宮
萬古傷心在骨肉
登臺授兵將無同
明皇出奔靈武繼道君
北狩康王嗣廢深
立濟竟何心可嘆諸公昧大義
天位由來難開干
置君反覆如波瀾
升遐日月史不載
斧聲燭影叢疑端
瓜蔓離離不堪摘
春鳥啾啾啼怨魄
奪門之釁君自開
曹石纖兒何足責

明宮人墓處

城北集卷第三

六

玉盃銀蠶委路岐
數行垂柳蔭荒陂
纖腰如削眉如畫
猶記長門望幸時

又

釵雀鈿蟬舊夢非
紫苔漠漠見羅衣
香魂應作青陵蝶
時傍宮花上下飛

煙霞窟

深谷罕人跡
莓苔長堦除
樹影蔽日色
花光明雨餘
臨流時得句
倚樹還著書
曲房何窈窕
高亭亦蕭疎
世事任蕉鹿
欵枕遊華胥
人生各有得
安用簪與裾

宿退谷

日落潺湲響亂泉空堂高瞰綠蘿煙林中聲靜樵初
歇竹外枝斜鳥白還一醉風前思枕簟十年客裏對
山川夜凉天際生新月獨向虛牕照不眠

水盡頭

石勢岩巉樹影濃尋源直上最高峰緣厓細路將千
折繞磻鳴泉更幾重斷磻尚存荒蘚剝古臺還見白
雲封登臨攜得驚人句欲向深潭問螿龍

五華閣

過雨堦前榆莢荒嶄巖絕壁俯松堂到來山果逢初
熟坐久林花覺暗香遠眺宜人千嶂曉平臨濯足一
溪長披襟還共秋深約引領天風入醉鄉

城北集卷第三

七

午日

客中佳節驚頻度懷古誰人弔屈原手寫朱符聊辟
惡詩投碧水爲招魂疎簾向午飛雙燕孤館隨時辦
一尊拾草歸來餘典在帽簷斜插海榴繁

與蒼林對雨

好雨坐來密輕風待捲簾山濃林氣合屋老蘚痕添
亂水迷深徑懸流響暮檐松寮多野趣詩思屬陶潛

又

燈火碧熒熒虛堂向晚扁低枝喧宿鳥細草隱流螢
木黍重抽綠峰巒疊送青遙知香艾發蜀錦爛前汀

同蒼林至慈慧寺訪諸禪侶

郭外閒行興不孤空林客到鳥驚呼
殷雷擁雨塵初斷永日沈雲暑欲無
捉塵幾人能嘯傲登牀容我學
跣趺淹留細語邨居事清夢蘧蘧到五湖

廣度上人贈黃鍊菴滴水巖石刻

閒堂鐘磬發相見意何如擬聽空王偈
先貽太史書流雲低樹暗驟雨落花疎
小研頻煩洗揮毫興有餘
題源澗退密廠

綠牕清閤樹陰繁小徑苔深受雨痕
避地喜無塵事擾論交自愛道流尊
新蟬向晚鳴檐角疎竹含風動
石根種菊輸君偏得法年年秋色滿林園

戲贈張小史

城北集卷第三

八

一簾香霧酒初醒子夜新歌倚枕聽
正是杜郎腸斷處帶人還坐竹西亭

輓鎮國公霓菴

上公劍履動星辰風月談諧託契真
子夜寒芒驚櫪馬山陽誰是笛中人

又

東阿詩筆振黃初剪水蒸霞錦不如
鄴下舊遊餘季重挑燈頻檢篋中書

又

邸第花深倒玉壺紅牙小拍閒笙竽
醉來潑墨煙雲

亂斷幅還輕蛺蝶圖

又
曾記高歌拂荆緌那知東閣是西州一行丹旄千行
泪盼斷年年塞草秋

秋日感懷

薊門煙樹鬱蒼蒼臺築黃金事渺茫雨過平臯催木
葉風翻淺渚折蓮房裁詩不用題東閣捧檄何時慰
北堂霜後鱸魚今正美晚天秋思滿江鄉

又

輕颺入樹暑方徂黯澹秋陰散北湖席地絃歌紛載
酒登樓山水宛披圖馳驅羸馬悲蓬鬢潦倒青衫戀
腐儒日晚漁歌來遠渚忘機翻喜狎鷗鳧

又

城上集卷第三

九

獨坐秋清倒濁醪洗天風露典偏豪梁間紫燕悲辭
主架上蒼鷹怒解條澤國霜輕侵橘柚晚庭雨足薦
葡萄挑鐙細數從前事豈少才人感二毛

又

萬里霜洲感亂鴻波漂菡萏有殘紅漫天荻葦邨邨
雪落日樓臺面面風作賦每懷潘岳舊回車真嘆阮
生窮可堪極目郊原裏衰柳鳴蟬遠近中

又

居庸設險控衣襟澗水淙淙瀉玉琴居庸關有彈琴峽絕徼悲
風嘶病馬空郵靜夜送寒砧雲橫紫塞秋雲薄霧隱

青山王氣深歲晚關河無限意強扶殘醉任浮沈

又

長虹千尺鎖洪波曾記盧溝疋馬過鹿澤荒煙迷石
室廊亭寒雨泣銅駝北趨城闕風雲壯南去關山道
路多燕趙古稱游俠地只今何處弔荆軻

又

碧空雲影散晴暉一片清光傍夕扉作客最憐書北
至登樓空羨鴈南飛牆根蟋蟀吟秋早沙背菰蒲出水
肥聞說河源仍可乘槎認取舊支機

又

黃花時節近題餽勅勅新寒入布袍官道淒涼荒草
徧空山嘹唳斷鴻高征衣夜擣長安月客夢秋生極
浦濤把酒持螯吾願足衡門終日掩蓬蒿

又

西湖煙月木蘭舟幾度兼葭憶舊遊鴈齒齊排喧畫
榜魚鱗細蹙倒晴樓碧梧葉下空庭晚紅蓼花明野
岸秋回首六橋雲樹隔十年孤負紫綈裘

又

羞彈長鋏意何如我有江邨舊草廬十里黃花三畝
宅千林紅葉一牀書久荒竹裏元卿逕誰灌園中仲
子蔬煙浦輕帆歸去好風塵滿袖獨慚予

對月示蒼林

擊筑頻歌道路難得君相見幾相歡蕭條古寺秋聲裏明月如珪不忍看

九日

北地逢佳節長吟動客悲登高何處是送酒故人期
落葉蕭蕭滿西風獵獵吹黃花看又發七載負東籬
懷傲雪

巾卷飄零久談諧憶舊徒雄詞瀉河漢小隱狎鷗鳧
細水春流漲高樓夜月孤王裴今間隔愁對鞦韆圖

又

蕭寺相逢日燕山朔氣寒蛟胎蟠古劍雞肋笑儒冠
木石忘情久漁樵託興寬小槽新釀熟傳語勸加餐

冬夜過半舫

城北集卷第三

十一

夜寒霜更結敝裘冷于鏡曉起出門行西山猶積雪
跨馬何所之北風吹氣咽鄰家古寺幽一徑通紆折
中有遠公居官宦離塵雜鐘鼓微茫聞樹木縱橫列
爲我開茗鑪泉新味清冽嗟哉裘馬人興趣何相別
歲寒梅始華士貧乃見節漫道往來頻相與叩禪悅

至日

殘歲堂堂去浮生可自哀北風寒轉勁南陸日初回
客興沈宵月鄉心憶早梅夜深煨芋火端坐候葭灰

城北集卷第四

錢塘 高 士奇

古今體詩共七十一首

辛亥正月起至
壬子十二月止

辛亥元夕

玉河雲斂月如銀
綵樹紅燈萬戶春
獨把一編深院坐
嬾隨年少蹋香塵

春曉

滿地新泥啼百舌
捲簾曉霧飛香雪
昨夜東風散雨絲
枝頭開盡丁香結

答宋荔裳觀察贈安雅堂集

名世久不作元音亦已微
浮靡轉相效誰為振前徽

城北集卷第四

一

地靈數東國岱宗何崔巍
斯人秉清貞海內騰光輝
努力事迹作名理窮研幾
闕肆叶鐘呂娟秀呈珠璣
遂令當世英俯首同範圍

又

斗曜垂寒芒桑麻被清蔭
繫昔褰幃帷風采自輝映
擿伏然文犀掄才徹冰鏡
樗散虛匠石顧盼有深幸
况當游京華攀躋窮名勝
篋中明月珠光照十二乘
邂逅城南隅慨然出相贈
置之懷袖間陋質忽妍覲
西隄偶得小舟泛玉泉山下

青青杜若徧芳洲
一櫂山根溯碧流
露濕新蒲迷小燕
風牽細荇逐浮鷗
塵容羞對波如鏡
釣具還思月

作鉤更向玉泉最深處仙蹤飄渺問丹丘

又

麥莊橋下草萋萋裂帛湖荒路欲迷石間疎花綠岸
出水侵臥柳拂船低親人魚鳥忘機久揖客峰巒入
望齊日暮扣舷歌一曲清尊他日許重攜

初夏院中書事

時蒙恩初
留翰林供奉

浣花天氣晝悄悄露索風鈴一院深難把銀毫摹褚
薛敢誇玉檢訂陶陰山禽豈有凌雲勢野藿還懸向
日心慚愧右銀臺畔路褐衣疲馬獨相尋

贈二鮑兄

伯氏風流海內推才名曾動上公知玉樓紅粉笙歌

城廿集卷第四

夜爭唱涼州第一詞

又

平津池館晚風涼曲檻花深共羽觴猶記月明人醉
後詩成獨爾興飛揚

又

匣底芙蓉自有神暫攜長鋏託風塵明朝匹馬關山
道爲弔荆軻易水濱

時兄將赴
直撫幕

又

昭王臺下酒同傾揺落天涯幾弟兄雲葉水花渾不
定忍看春草徧關城

柯翰周招集谿園分得二蕭

燕市悲歌地名園喜見拓新詞翻白苧逸韻俯青霄
雨豁天逾淨風清暑半銷莫嫌歸去晚明月坐相邀

又
拂檻花香亂當軒竹樹饒但教文字飲安用筦絃調
臺榭將軍好朋簪公子邀碧筒留勝事攜手不辭遙
過永安禪院值蒼林在院避暑

幽尋閒出郭古寺半凋殘入座心神冷登臺眺望寬
蕭條惟杖席懶散不衣冠相見無賓主高談得罄歡

又
清風來戶隔花竹自扶疎地僻無人到林幽過雨初
脫衣懸古樹炊餌薦新蔬搔首看檐際浮雲澹太虛

又
六月渾忘暑茶瓜集茂林午涼宜臥簟風細欲披襟
山遠千峰暗蟬鳴衆木深逃喧人境外秋思動微吟

又
敢惜歸途晚流連野興長快遊方自得良會詎能忘
返照明孤塔餘霞散短牆定知今夜月清夢繞匡牀
同程德基集近水書屋

晚來疎雨過層城隔樹殘霞一縷生遠嶠雲煙看忽
變平疇禾黍快新晴聲聲蛙鼓迎人急簇簇蓮衣映
水明知已天涯良會少百壺那惜夜深傾

榴花新酒鳳皇樓林沼龍葱雨乍收最愛垂鞭吟望
處亂山無數入行鞦

又

瀑布飛懸十丈泉匡廬五老插青天倚篷得句秋方
好遙聽高歌落紫煙

輪扁將
遊廬山

又

江雲江樹靄氤氳那信逢君又別君惆悵禦兒溪上
月清光一片照離羣

宿慈慧寺

晚天新雨淨塵喧寂寂松堂早閉門嘉樹停雲垂短
榻香蔬留客摘前園煙霞入夢清宵迴歲月驚心旅

城北集卷第四

四

思繁燭冷鐘殘人獨坐持來半偈共僧論

城北看荷

城陰開別墅疊石俯清湍曉色連香芰殘陽媚夕巒
涼宜蕉葉簟翠映竹皮冠濼濼江南景疑從畫裏看

又

看花當雨後列坐向垂楊苑樹晴猶濕池蓮晚更香
煙輕飛白鷺霧薄隱紅妝還聽菱歌起聲聲在野塘

又

臨流築短垣綠樹俯層軒每欲集朋好因之縱討論
月明侵戶漏荷靜散琴尊自得此中趣披襟坐石根

立秋

曉起涼颺動高城又報秋月痕移苑樹河影瀉針樓
落託從人棄羈棲豈自由鄉心千萬里浩蕩入砧愁

七夕夜雨

密雨涼陰合雙星暗渡河那知歡會促未抵別愁多
向夕陳瓜果因風念綺羅吾生安用巧得酒任顏酡

中元後二日過蒼林對月有懷

難得今宵月同君方外看微涼催木落素影逼衣單
金石交誰是湖山興豈闌江南秋正好何事戀長安

送謾苑兄入蜀

搖落清秋節分攜意若何各天憐鴈影八月動驪歌
白露沾行袖青楓點素波蠟花知別緒向客淚偏多

又

城北集卷第四

五

三年同作客萬里苦離羣秦棧過寒雨岷江宿暮雲
傾尊岐路隔把袂旅愁分珍重青錢管應傳諭蜀文

又

劍門曾設險籌筆有奇功水攬房湖秀山連玉壘雄
花箋書豔句酒肆想豪風懷古兼懷別長天叫斷鴻

又

眼底誰同調天涯幾共親况當落木候復作遠遊人
書入嘉陵美詞傳峽女神高堂有白髮歸思莫逡巡

中秋後一日同蒼林步月

散步長廊外驚看秋色勻商飈聲入樹明月影隨人

得句遲清漏尋幽向比鄰誰家羌笛發徙倚暗傷神

西山

出郭秋將暮山容處處蒼寒泉凝澗碧衰柳雜林黃
遠嶠看晴色歸樵帶夕陽櫻輟吾已辦肯逐馬蹄忙

又

登臨當此日秋氣倍疎清紅葉先霜落新蔬冒雨生
邨荒時失逕寺古舊知名極目空林際愁聽一鴈聲
慈慧寺看菊

野外秋光遠行吟到上方佩分萸葉紫籬綻菊花黃
留客過寒雨占農待晚霜歸途清興劇巾褶染餘香
冬初再至永安禪院

城北集卷第四

六

寒臯木葉下景物轉蕭疎對此感疇昔興言懷舊廬
煙迷山岫斷風落戶庭虛下馬聞齋鼓重來愜所如

冬日

棲棲歲將暮客况共誰論瓦缶新篳濁茅檐襍褐溫
寒煙浮北闕晴靄入南軒餘暇真堪假怡然擬負暄
又

共道今年好霜天少朔風青田看種麥碧漢數歸鴻
擊筑人何在招賢事已空梅花應著葢遙憶故園中

雪夜集寒濤閣分韻

歲晚燕山客羈愁已不堪幸成今夜宿多是故鄉談
積雪侵書幌寒雲抱佛龕紙牕風定處清夢雜煙嵐

送史迂民

客裏纔相見春風又送行
勸君燕市酒動我故鄉情
驛柳晴初放汀莎凍未生
漸看天氣好歸路定詩成

寒食山行

荒涼古寺石臺空
亂水無情西復東
野哭家家悲落日
新煙處處雜春風
長堤弱柳千條碧
幽壑繁花幾樹紅
聽徹飴簫頻墮泪
年年寒食客途中

遊大佛寺次董編修韻

古寺郊原裏
春深景物幽
落花偏近席
飛絮半隨流
徑曲攀躋遠
天晴氣象浮
莫言歸騎晚
啼鳥正相留

董編修以游稿屬和復成四韻

城北集卷第四

七

春色煙郊麗
尋幽趣曉晴
花迎太史騎
柳暗法王城
輕策從僧借
新詩信手成
紫鸞天外遠
慚愧細蟲聲

大悲菴

林間藏小刹
長夏景蕭森
蟬噪槐陰寂
鴉啼柳色深
科頭消靜晝
清話滌煩襟
最愛疎簾下
茶煙一縷沈

夏日雜咏

芍藥花開杏子黃
賣花聲裏斷人腸
少年容易追歡盡
檢點青衫泪幾行

又

謾謾長松過雨時
曉煙淡蕩濕游絲
客中聞道端陽近
忽憶湖亭張水嬉

去聲

又
綠樹陰濃草帶煙空階愁對落花眠洗妝樓下魚鱗
細水面田田貼小錢

又
燕山六月雨猶寒閒把青岑醉藥闌三徑歸來空有
願可憐長鈇爲誰彈

又
苑西風景似江南插稻歌聲我自諳携得壺觴看不
厭夕陽澹澹柳璦璦

妙緣觀
古松何代植深護玉皇居鶴語傳清籟濤聲響碧虛

城北集卷第四

八

剪蔬乘雨足剝棗愛晴初來往誰相禁閒思學荷耒
送程德基還白岳
梅風吹送雨絲絲贈別何堪盡一卮此去江南歸棹
好蘆花灘上月明時

又
入市曾經識伯休忽攜琴鶴買扁舟非關林壑耽幽
興自念高堂有白頭

又
斷石邨邊舊草堂溪山雲樹兩微茫知君小艇尋詩
處獨傍霜洲送夕陽

贈施匪莪

不薄金門尉人稱曼倩才聲華在霄漢詞藻走風雷
倚樹攤書卷吞花覆酒杯香泥沾屐齒二仲許頻來

寄謾苑兄

一百八盤路孤蹤悵遠天不成棠棣咏空感脊令篇
玉壘浮雲外峨眉落照邊驚心連夕夢池草鬪春妍

又

巴江春水濶前月有書來不識題橋興從知濟世才
白雲橫棧遠青嶂倚天開爲訪浣花宅新詩醉裏裁
送宋荔裳觀察之蜀

攬轡三巴盡誰云非壯遊風雲高使節江漢識仙舟
對酒金臺夜乘輅玉壘秋丰標偕李固文采重韓休

臧北集卷第四

九

憲府梅堪賦房湖跡尚留十年耽著屐萬里召鳴騶
已見浮雲斂今看沛澤流江花迎錦纜侯騎擁行輈
明月煙中樹芙蓉溪上樓悲秋兼惜別羈思繞芳洲

新秋

委巷高秋至新涼向晚歸蟾蜍光未缺蟋蟀語還微
遠笛悲爲客鄰碁促授衣坐來銀燭暗清露濕簾幃
宿遂清堂值晨雨

積靄浮新翠空濛曉氣沈雨添羣木秀雲散一庭陰
伏枕理殘夢清齋生道心堦前有流水水窅窅奏鳴琴

又

伏去仍殘暑凌晨雨送涼蟬聽高樹寂花折小叢香

廢圃渠流細空庭徑草荒相看念今昔秋思寄微茫
雨中書事

流雲看忽暝雨氣入層軒宿鳥投林亂鳴蛙傍水喧
夜涼清夢穩漏轉客心繁小逕滂沱盡晨炊未啓門

秋日書懷

雨濯鄰槐院落清新涼一縷動簾旌數叢小卉搖秋
色幾點遙山露晚晴近壁陰蟲聲窸窣辭巢社燕語
分明尊羹菰菜江東好肯把閒情讓步兵

又

瓊樓紺宇上清居恍惚芒屨步玉除垂露書非張伯
起凌雲賦豈馬相如久埋姓氏栖丹壑不道文章達

城北集卷第四

紫虛

閏七月廿五日蒙
五七言近體詩應制明日獻東巡賦稱旨蒙

召見祿勳殿問籍貫年齒

命作大小字賦
賜文綺賜茶

分合滄江老漁舍羞將燕石混璠璣

中秋後一日同蒼林對月

天宇秋方霽晴空無片雲清暉臨古寺素影照離羣
懷二鮑元萬籟人間寂孤鴻枕上聞此時能領畧惟有我

同君

小重陽日曦菴蒼林拱辰小集蔬香齋

不厭蓬蒿滿徑生良辰倍覺酒多情龍山好會無今
昨燕市悲歌有弟兄斗室淒清寒氣薄疎籬寂莫晚
花明淮南何用勤招隱沙鷺汀鷗舊日盟

寄陸宇載

詞賦爭誇陸士龍麻衣歸去隔春冬相思遙寄吳江
月霜冷丹楓咽暮鐘

同蒼林再過慈慧寺看菊

不淺東籬興還同惠遠來寒香浮閣靜紫豔待霜開
近郭人稀至高秋鴈獨哀明朝逢九日何處更登臺
次原韻答葉訥菴編修

由來野鶴避軒墀自笑疎頑不入時劉訐衲衣山下
製少游欸段里中騎蓬萊詎是閒遊地興慶無端數
賦詩懶慢心情渾不稱如公猶有未深知

聖幸初菴編修詩麻衣獻賦立形墀喜見龍顏一笑時內府錦襦邀帝
賜天街官馬任君騎侍臣盡識銀鈎體宮女爭吟壁月詩自是九重稱特
差從來不藉魏無知

城北集卷第四

十一

鷓鴣行

長安十月霜風猛競買鷓鴣消短景下自里巷上王
侯太平無事嬉遊逞好種最數燕山東

以下田豐潤永平
諸處產者為佳

水

深土厚性不同柳筐入市日千萬識者按譜求英雄
鷓鴣有譜辨其
臧否雖者不取

初看毛色辨黃紫燕領烏頭蒼鷹背椒眼

如星眉細長臉凹鼻凸爪脚美夾襠修翼尾秃淺勁

毛竹葉芙蓉軟

毛勁者如竹葉
軟者如芙蓉

筋骨須重羽須輕聲巨如

鐘細簧轉又從四季分錦花白棠青翅辨不差百中
選十十選一下品碌碌詎足誇天性生來雖好鬪養

成精銳人功懋一飲一啄貴及時等閒出入籠懷袖

溫泉洗濯類雨傾竹籟吹喚如雷鳴宛然木鷄志專

一弄之鼓掌神不驚寒朝晴明日光出

則宜早

躍喻布

地開暖室彩棂初陳戰壘高蜀錦囊中互藏匿當場

板柵賭輸贏片語千金然諾輕名馬渥注裝百寶隋

珠照乘價連城奪采爭強尚意氣羅列旁觀無賤貴

橫掃三軍鉅鹿強卒推大敵昆陽毅啞然一聲勝負

分

錫鶻開時以先出聲爲負

驚呼屋瓦疑紛紛勝者揚揚負者恚經時

養士徒辛勤隔歲籠錫號無敵曾經百戰專攻擊

錫鶻

材人所棄往往一出能拔幟縛雞無力擅登壇始知

佳者籠之隔年更爲強銳

莫恃紆籌決策多輕于一試墮前績亦有凡

皮相失奇士

除夕

城北集卷第四

十一

辛盤菜把帶霜肥小室圍爐坐漏微會計千篇如東

筍就中多半是思歸

又

嗟卑歎老亦何爲贏得窮愁上髻絲濁酒一杯歌一

曲春風原不棄茆茨

城北集卷第四終

